

壯懷堂詩三集

壯懷堂三集

嶺海詩存卷四

侯官林直子隅

端居集一

乙丑下
丙寅上

將赴雨巷都轉端州之招同人饑於山響樓留別二首
爲宦不成還入幕廿年蹤迹太離奇
滔滔歲月依人老
漠漠關河作客宜
未信生才皆有用
但能益我足堪師
燈筵此夕勞相慰
一寸離襟黯酒卮

匹馬橫戈十一秋
從軍豈料又南州
紅羊劫盡回天意
白兔光沈愴客遊
端峽硯材供索取
珠江帆影漫淹留
自今懶聽龍樓鼓
濯足滄浪樂未休

初四日早發花埭舟行口號

二年五涉貝底水半日已經末利沙瓜步烟沈鷹嘴夕
好風十里泊樟槎

紫洞

仙瑄雲墩紫洞舟蕭蕭烟景過殘秋分明眼底團圓月
不照珠簾照玉鈎

初五日順風午過西南驛夜泊思賢澗

獨憐舟子念還家行過西南日已斜貪飽天風挂帆席
卻教今夕宿蘆花

初六日午過羚羊峽暮抵端州

我昨片帆辭廣州三日上溯西江游羚羊峽高秋漲落
木葉始脫聲颼颼朝從橫查望峽口鐵色重關插天右
好風導我螺腹行篷窗費我沈思久龍門咫尺何逶迤
但祝風緩舟行遲雙龍蟠拏赴江飲返景耀奪干之而
泮河東來此門戶設險萬夫飛不渡於葦畫出猿夜號
白日陰森神鬼怖恨不一陟柯山巔星巖七點落眼前
天公布置偶然爾仙人奕棋今杳然江風浪浪江水綠
一路看山如畫讀昂頭已近闕江樓正聽榜人呼飯熟
徐申甫嵩生太守招同李恢垣光廷銓部蘇平甫廷鈞

學博飲晚香堂

主人數豪飲招客盛杯盤不信爲官樂渾忘行路難
文章高吏部德義重儒官冠蓋尋常事相因結古歡

艤舟峽口行里許至憇菴

雙龍夾空來凌蹕百丈潭扁舟三十里憇憇尋雲菴信

步踏沙晴良儔偕二三遙瞻天湖顛鼎湖一
名天湖千仞迷重

嵐斜日正西墮人影齊松栝到門遠鷺塵彌勒供一龕

齋厨熟晚飯蘆蔔發醃菹晏然一飽樂林泉真可耽

由半山亭入慶雲寺

入山不見山山山鬱蒼翠杜鵑千萬聲中有古時淚峯

巒幻獅象蹲伏銜靈異半山石氣清流泉出幽邃延緣

越絕磴舉步輒心悸鐘聲落上方林梢露烟寺曲徑巖
薜蘿中藏駭魍魎石頭路滑突稍縱或防墜升高漸平
曠亭欄具精意寺門看署額名山歸福地相傳爲第十七福地陵
谷易遷移雲霞紛位置峩峩太古松巋然立人世

自慶雲寺上白雲寺欲尋黃帝鑄鼎處不得

清晨出寺門攀緣轉山後千林露氣濃欲上延復久豁
然吐朝曦羣陰失昏黝逾崖殊确犖怪石滿地走前岡
訝虎伏旁坡作龜負高騰絕鳥道欹危懾樵叟草木多
荒寒豺蛇此潛藪厯險達初寮昂頭摘星斗下看百里
內諸峯屬培塿白雲亦何心往來濕襟肘天風一飄蕩

陵壑震狂吼曠懷緬古帝龍驂杳回首赤水想元珠頑
金花無有空閭鑄鼎處遺跡叩誰某俯仰一須臾古今
幾蒼狗

去白雲寺至躍龍潭遂登涅槃臺觀智常題字

三行左
讀日涅

槃妙曰正眼法曰心藏八字題名在戈字
無年月鼎湖志作正法眼藏涅槃妙心非

出寺日卓午澄懷念淵淪言尋躍龍潭險絕不可倫山
僧導前行樵蹤聊與循沙石砌且滑欲下還逡巡縋深
附蘿葛阻隘披荆榛遂登涅槃臺石壁高嶙峋智公去
千年題字猶未湮倒映千尺潭毒龍今已馴臨崖一頰
視蕩滉搖心神斜日擲金錢閃爍千龍鱗泓涵蘸深碧

飛洗萬古春躑躅危梁澗
歷游忘苦辛

慶雲寺神堂夜坐

山中得淨趣遂作三日留
晝行鑿幽險無復腰腳憂
寺門常早扃靳我秉燭遊
清規眾所凜未許持金甌
堂虛夢易回人語出高樓
熒搖佛火青風泉浩不收
遙思崖谷間木葉紛已秋
以茲感搖落營營更何求
晨鐘况復催猛省浮生浮
願言此誅茹他年卜歸休

飛水潭觀瀑

危崖立巖嶮高掛百丈泉
非關過狂雨晴雪飛濺濺
如觀雙玉龍紛拏舞秋天
又疑翻銀河灑落太古前
頽流

震繁響中含萬佛圓坐石洗鬚眉濯足行亦便觀茲湛
然色欲絕萬類緣何當披天風一鼓塵外絃

鼎湖僧銘石以吊鐘花惠寄賦此謝之

異卉傳觀迴不侔尋芳愛作鼎湖遊一枝密密休論口
九乳垂垂總並頭和月遙知來古寺應霜時或傍高樓
山僧識我憐禪悅故採高柯屢見投

恢垣惠題拙集次韻奉貽二首

大雅久微缺曠懷緬遐風淫哇競箏箏正響歸冥濛恢
垣命世英崛起滄瀛東朝來喜相見捧袂端王宮

肇慶府署

爲端王舊邸余識恢垣於徐申甫太守席上

生平不朽業勗我孝與忠壯歲

謝簪組奉親急歸臙經師亦人師淹貫時所宗端溪振
文教多士經陶融自事弄毫翰亦足一世雄新詩辱品
題使我開茅蓬十年井底見一爲幣霜臙

翳余好遊讌頻年逐浮鄙結交徧寰區幾人託生死知
君重品節瓣香自茲始清談霏玉屑汪度絕塵滓元龍
氣尙豪因君捉臂起高齋盛賓客有酒多且旨世無北
海樽君今毋乃是壘承願言侍几席德意見挾匕一代
景龍門迷津倘相指

附錄原作

番禺 李光廷 懷垣

閩海昔荒徼輜軒停採風明季膳部興隻手開鴻

濛拂袖舉泰華移置扶桑東十子炫珠玑照耀龍

王宮風雅二百載正聲歸文忠

文忠詩在都時見之

炎火飛

霹靂巨艦排艨艟君才最後出乃克追其宗割炙

經籍腴鍛鍊歸沖融一家自壇坫餘子誰雌雄小

言曰詹詹斯道埋蒿蓬君詩一起予病目揩雙瞳

東坡杭州詩尙譏肉食鄙酬應塞靈竅漸覺元氣

死人生不朽業要自忠孝始挈心奉君親餘論皆

渣滓讀君感懷什令我三嘆起慷慨越石音悲憤

杜陵自平生請纓志茫茫竟誰是尙有從戎集惠

未見刀匕茲鼎嘗一臠食龍當染指

恢垣復有詩來再疊前韻奉謝

束髮事書史慨然希古風登高俯泰岱志在覩元濛欲
窮滄海觀雲帆挂天東竭聞星巖勝來訪仙人宮抗懷
包侍郎千載思效忠時事竟蠻觸

時恩開高明
上客拂艸

歲歲飛

兵艦抱茲憂憤心杜陵知所宗高欲緬良儔水乳誰交
融比來得李侯亦復騷壇雄所期豈文章轉瞬驚飛蓬
清時各努力丹忱奉

重瞳

一日不見君頓生吝且鄙誦君岐亭韻東坡今不死粵
中風雅後得君再更始我才愧駑下雲霄去泥滓欣承

西河教言詩或子起煌煌觀鉅製未失溫柔旨丈夫薄
小技願言姑舍是朝來放晴杲勞爲治邕以從君竹林
間一問西來指

恢垣以予前詩及土客事疊韻見和三疊前韻奉東

聖皇馭乾極維世崇

仁風湯網三面開聲教訖微濛小醜恣跳梁十年徧南
東

九重厪宵旰盼捷甘泉宮汴豫尙飛丸嗟嗟失元忠謂

耶犬羊彼何國滄溟駛夷臙滅亡適自取安能抗天宗

干羽格有苗漸覩歸昭融土客疥癬疾揭竿漫稱雄嚴

霜日夕至瞬息摧秋蓬蒼赤登衽席行將拭吾瞳

世乏頗牧才稽化長頑鄙貽茲養癰患罪難追其死桑
榆豈云晚慎終斯救始天心久厭亂待洗太空滓勸君
歌莫哀拔劍斫地起吾儕用世懷共抱痼瘵自皋稷爾
何人乃能謀國是崇朝資借箸庶免嗟喪匕澄清有夙
願斗柄正東指

恢垣以余前詩視土客事太易作詩見詰四疊前韻答
之

承平二百年寰瀛慶同風蒼穹何高高大氣包瀕濛四
海本一家安能隅向東無端畛域分星躔乃同宮鄉愚

亦何知紛紛劫癡忠殺人多如麻頻歲煩征釐議剿或
議撫兩說先殊宗調劑寡良方安期樂融融火付一
燼遑論孰豪雄田原日荒蕪髑髏委榛蓬哀哉復哀哉
傷心慘秋瞳

去秋役南恩

余去秋因土客
事從役恩平

輕騎入炎鄙軍中望暮氣

沈沈刁斗死血光灑平蕪伊誰爲禍始恣睢鬪險很無
由澄戾滓根株苟未淨瘡痍漫云起豈不申誥誠無人
會斯旨理與勢兩窮孰非竟誰是大兒善割肉術亦失
操也但期劫灰盡庶可聽頤指

恢垣來詩責余畏難五疊前韻以釋其惑

蠻獠雜嶺處羣生樂堯風望衡百餘年匪今關烟濛胡
滋異類嫌誓圖梟徙東君今主文教雖離歌在宮國事
卽家事知能矢公忠急流挽頽波息兵罷長艫嘉哉召
佃說斯言未離宗庶全八口家締世昭景融我無臣朔
才違爲滑稽雄良莠故不齊要分麻與蓬會覘涇渭合
願君漆其瞳

任事貴勇邁畏難心所鄙好生有懿德人情每惡死大
哉卜乾元埃壻緬茲始恩威在並濟挾邪枉刑滓若徒
重殺戮茲病恐不起一言定褒貶春秋有微旨聚訟苦
紛紜要當衷所是何如質大廷庶免事戈匕吾道秉大

公毋爲佞枝指

恢垣詩來不談兵事約爲鼎湖星巖之遊卽以終曲六

疊前韻奉答

四月天清和南來扇薰風當窗敞幽襟細雨復輕濛郊
原滿生意野塘鳴活東多承折柬招言尋梵王宮鼎湖
舊遊地攬古哀精忠看山興不衰行將趁飛臙獨懷佞
佛羞未能挽吾宗星巖路不遠回首嬉春融陟巔發長
嘯亦足顧盼雄胡爲溷塵俗瞬息隨凋蓬尅期載酒過
待洗人間瞳

自余邁憂患浮蹤託西鄙具此方寸心願爲知己死蓬

門人謝客今開爲君始袖出方伯書高情謝浮滓

謂子
幾方

伯

憐才出本性震厲文壇起和詩富琳瑯愷意見風旨

正逢兩軍鬪得公斷非是近傳一品集願從乞圭匕俯
仰念修名千秋一彈指

附錄和作十二首

定遠

方濬頤

子箴

李侯坐皋比大力迴頽風託根在澗壑孤幹撐鴻
濛學行足楷模今之關子東憑欄發高唱上應黃
鐘宮歸田肯逍遙兀抱畝畝忠土客禍未靖日盼
江邊艫重輕關時勢準量權所宗乾坤息戰爭生
機太和融斯民鮮疾苦老夫嘯歌雄原出去蕞穉

陸離蕃葭蓬拄杖行樂郊景象清曠曠

太守本華胄從戎到炎鄙曩聞雄州役呼咤鼓聲

死初疑偉丈夫揮戈刺旬始厥貌乃俊雅翛然脫

塵滓風雲鬱壯懷子隅有壯懷堂集奮挽蛟龍起堂堂正

正師動合孫吳旨平時弗訓練誰歟主張是詞鋒

銳莫當有似徐娘匕我知渡河日可掬舟中指

端溪築壇坫再振南園風拂衣上天湖山名踏破雲

冥濛俗子傍門戶慣欲偷江東譬猶教坊伎按譜

諧羽宮塗抹亂妍媸貢諛邊據忠紛紛見敵走怕

遭黃蓋幢軍中吟競病壯哉曹景宗飛霜積雪句

木革讓張融短兵驟相接震迅角兩雄鏗鏘萬鈞
動知必非茅蓬開函訝陸離光芒射昏瞳

乞靈向簡編末由化蒙鄙無怪儵與忽竟鑿渾沌
死嗟余少荒嬉展卷昧初始及長好吟咏其如墮
囂滓偪仄方寸間勾引愁緒起發爲不平鳴刻露
渺淵旨擲揄信難免或曰姑舍是古人皆名醫刀
圭乞方匕至巧運一心奚暇工錘指

君子用德化捷於草上風陰崖一披拂颯爽穿迷
濛不有鵬圖南曷爲臬徙東緬懷鶉鷄世貝殼垂
撝宮耦居原無猜惴款樸以忠奔騰萬人海千櫓

森艦幢溯厥構斲由失計投強宗怨毒入人深癥
痕堅莫融井里成敵國搏噬彌健雄哀鴻滿野飛
飄飄倂轉蓬明者見未然孰爲尋三瞳

問客何自來蔓延擾西鄙尋仇互報復飢餓咸欲
死潮嘉匪異域區分誤於始方謂判畦畛可以湮
無滓抑知同室內戈矛有時起聯和屢渝盟譎詭
乖義旨江河歎日下滔滔者皆是殺氣纏郊原泉
府耗五匕因循釀禍亂重煩旌旆指

蟻蟻至細微春雨還磴風荆棘憚剪除岡阜俄綿
濛不見夸娥子負山置朔東安得普摧伏兵下修

羅宮牧令果循良漸摩民作忠豈至羚羊峽頻年
驅戰癘粵俗素喜鬪大戶凌衰宗肝膽既楚越水
乳誰交融雖云啓民虐究輸土著雄氛壓極天暗
莫辨麻與蓬會看檢雲霧跳轉日月瞳

流離數萬眾遣散踰邊鄙沿途劫掠之不若沙場
死願合不願分慎終宜慮始予以自新路感激濯
垢滓未剿遽言撫反覆變端起我思杜元凱奇兵
用周旨擒賊先擒王樞紐在乎是漫矜匹夫勇圖
窮方見匕帷幄莫運籌儼同臂使指

藍山界兩邑

英德陽山

虎穴揚腥風記從庚申夏載歌

零雨濛走也愧不才備兵嶺南東側聞議封禁勿
留一畝宮亟向大府言敷陳効愚忠防兵弗爲少
陸營水則腫此間豈荒徼肉角馴毛宗何如任關
墾巖障春膏融久久八排外立致千夫雄不然戍
卒撤依舊迷榛蓬旁人笑管窺那有如鏡瞳

嗟彼客籍民何必盡頑鄙夫惟猛濟寬火烈乃免
死往者肆荼毒土民實禍始鐘聲云胡嘶其中雜
銅滓上蒼固仁厚坑降罪白起殷頑利用遷片語
探要旨君曰使就佃所論亦良是竊恐博陵郡無
人容挾匕移居擇官地斯爲正法指

西園近無俚悅降岷嵐風故人將北歸

謂曹藉溪
馮爾欽

並轡馳紫濛偏作滬濱遊遠泛滄溟東藥洲老詞

伯

謂劉
融齋

抗疏甘泉宮自維蒲柳衰莫罄葵藿忠舊

兩日以稀篋徃送征臆角巾更蕭散邈矣郭林宗

獨坐傷別離熱腸冰雪融慷慨鼓吟興若爲談兵

雄軒窗頗自豪今年竹如蓬縱誇束筍多難逃紫

電瞳

予以詩鈔丐
恢垣作序

賞子瑰麗詞覺我殊陋鄙能令蠹魚活敢道蝨蚪

死坡公論非誣識字憂患始冲舉軼埃盪淨絕丹

崖滓松杉作垣墉白雲當戶起了無寵辱驚獨契

濠上旨故溪深可釣簑笠歸誰是安樂卽神仙底
須調玉匕冥心任元化天地渺一指

恢垣惠示江漲詩四首依韻和之

霖霖愁入夏十日暴江流駭浪爭雙峽圍城汎一甌盡
沈龍戶宅已斷估人舟天意應難測甯關未善謀
西漲年爲患牂柯萬里來豈應盛炎夏近已撼崧臺曼
衍魚龍恣翻騰烏雀哀流亡紛滿目腸斷日千迴

莫恃金隄鞏爲岷託一塵奔衝決圍址倉猝失樓船巨
浸鄰爲壑狂瀾孰障川夜來望風色能穩幾家眠

頽岸危風夕橫肱夢亦恇鉦旂動江介燈火警宵防人

語訖疑盜詩心吟不涼危機隨處是俯仰一蒼茫
飲寶月臺歸途有作示恢垣

城北遨遊興亦嘉孤樽門外有天涯星巖七點檻前見
沙鳥一羣谿上斜明月不凋叢桂樹秋風已冷萬荷花
歸途暮色蒼然至聊付詩情與落霞

登披雲樓

巍樓高北郭一徑闢菁茆石滑羊眠磴風危鶴警巢綺
窗成往事星岫燦晴郊回首龍飛日江聲尙鼓鐃

書東坡次韻伯固遊蜀岡送叔師奉使嶺表詩搨本後
卽用卷中原韻

高空語老雁翳木嘶哀蟬閒階過微雨曲徑羅疏煙會

逢返景下言陟披雲

樓名

顛兵塵歎屢閱詩碣恒孤懸詎

期秋風客抗懷玉局仙闡揚責守土俯仰思前賢

石刻舊在

寶月臺道光甲午許叔舟觀祭屬糜次泉太守移置端州署後披雲樓

噴之松滋墨潤以

梅菴泉修蛇出灑灑老熊亦娟娟

元人評東坡書如老熊當道

毫翰

見峭拔神采飛聯翩感君把相贈憑吊一淒然

游七星巖同隗春蔭

華棠

參軍和韻四首

難得看山老更豪攀依絕巘敢辭勞舉頭欲摘星辰下

駐腳渾忘日月高舊夢重尋疑隔世

十年前余嘗夢歷此境

新詩

真許讀離騷

君楚人

當前好景容休息願典鷓鴣裘換濁醪

四山黃葉下幽蹊危磴回旋任小奚地淨絕無塵可到
天高疑有路堪梯虛堂聳寂千峯入古佛莊嚴萬象低
身是玉皇香案吏鑪煙歸帶碧雲西

玉虛宮有寶鑪傳是宋時物夷人思

櫻之不
能得也

雲水無心兩不知出山翻悔入山遲有情風物能怡性
多事天公特好奇古洞陰森神鬼色老松倔強雪霜姿
支筇便作千秋想欲覓仙人看奕棋

巖上有棋盤石傳爲仙人奕處

名山每藉好詩傳斗酒才慚賦百篇攬鏡年華今四十
著鞭客路易三千呼羣嶺雁驚寒意破萼巖梅釀雪天
獨淪靈泉烹苦薺清閒聊當小游仙

崧臺晚眺

獨立眄殘照千秋得此臺
煙開三塔直雲抱萬峯迴
壤礎棲叢篠穹碑蝕古苔
一尊酌江水登眺幾人才

壯懷堂三集

嶺海詩存卷五

侯官林直子隅

端居集二

丙寅中

七星巖李北海磨崖石室記歌

七星墮地堆螺尖北郊燦啟雲螭窟靈旛飄空降天帝
三能四輔隨帷襜帝咨百神駐觴此羽醕莫博天心快
似嗔靈巖寡生色文采疇稱丹臺拈偉人崛起帝所命
模楷荒裔教忠廉在天南瓠下北海才穎出挫千鋒鋤
大書開元十五年正月廿五李邕籤煌煌三百八十字
日月奪曜霜辭嚴穹碑七尺吐光怪魍魎走避山魍潛

波羅韓碑耀南海並峙壓倒炎方炎由來大名俗所嫉
百不一二逃危阨萬言詞賦獻當路怒觸朝貴幾身戮
仇人適出告枉法佞口那禁工讒儉論救許璋數知已
披鱗膽勇真人兼嶺南萬里走破賊書生深幸恢韜鈴
澧州南遷作司馬便道至此窮奇瞻磨崖縱筆記石室
至今槌榻紛霜縑記云早公領邦伯友僚琴酌供嬉恬
早當作畢摹刻誤好事訂證爭謁謁字方徑寸迹蒼勁
的出公手奚勞占庭珪八分未許代或以蹟似誇通淹
又云重刻肇乾道記後字已青苔黏豎儒攷古喜穿鑿
聚訟干口空喁噉我來摩碑肅下拜重公大節如秋暹

開元相業杳何許公猶姓字歌蒼黔嗚呼千年公道歸
蒼黔

附錄和作

光廷

湖山浮綠濃堆尖湖光激濺開鏡奩端州邦伯此
張樂北海詩人親攬襜綺田錦幃登眺壯酌石擊
泉竇主炊皆記中語當年摩虛蹟未泐後賢考古槌可

拈千有餘歲此陵谷三百八字猶隅廉靈鰲翻海
頭角現寶劍出匣鋒鏃銛娟娟雲起潤著壁煜煜
怪發光騰籤上視歐陽氣動盪下開魯國神莊嚴
翳余端水寄疏懶屢訪石室窮幽潛頗怪開元相

燕國昔經嶺表投荒炎平章歸朝量更隘名流獻

賦身則阼幸隨媪相下五管盡驅蠻賊同一殲內

徙曾未問蘭芷南遊毋乃逃姦愴據阮志開元十四年隨中人揚

思勗平邕州乃徙澧州司馬明年至端州偉人所留與石重舊刻之值

猶金兼紛紛考證削青簡皎皎篇帙明朱鈐書作

庭珪祇臆度年稱乾道誰親瞻檢討補遺昧歲月

覃溪志畧虛緜竭來文達志再輯時值嶺海波

方恬歷稽史年與記證乃知諸說徒語詎定崧自

昔富往蹟朝代闕久難逆占崖高梯接工或剗水

深谷闕龍所淹齋公名類鬼手攬鄭樵通志有魏元忠題名今亡

智常字僅蝸篆

黏智常題字在鼎湖之龍潭

此刻高劍石犖犖

大漲未上魚唵唵堅骨頻經夏霜鍊神光迸射秋
陽暹倘得唐刻再摹勒飽讀安知吾突黔吁嗟乎

飽讀安知吾突黔

送筠仙中丞還

朝便道假旋十首

昭代崇儒術汾陽有重名金門高射策滬瀆坐談兵察
吏臣風古觀鹺筴政清由來盛勲業竹帛稱光榮

黑頭卿相貴壯歲擁旌旄旣許馳驅力安容偃息高觀
時恢具眼撥亂藐秋毫莫謂民無識猶能喻飲醪

羣盜江南盛深虞杼柚虛非能持大計何以裕軍儲
輸稅商情樂籌緡國用舒飽騰欣士馬深賴濟種芻

猳獠紛竄突烽火照炎州驅鱷文爭誦封狼願已酬
珠看還合浦簪實借留侯一任青蠅集閭閻頌未休

竭聞鐵岡捷喜氣動鬚眉千里鋤頑梗孤枰定奕棋
籌戎操勝算治國賴良醫一笑亡魑魅無虞帑藏糜

上相風流在莘莘學海堂多公莅茲土重與振文場國

有詩書氣人依日月光李膺吾所友晨夕醉壺觴

謂李恢垣

吏部近充學海堂學長約作送行詩故及

故因清望峻

溫語召疆臣楚國風雲會

虞廷稷契身攀留咨父老盤錯勵經綸世事需材亟還
應念

帝闈

恩怨非今日人心幾萬重高功薄嚴武吾道重林宗命
世才難掩匡時志未慵要吞雲夢盡一與蕩心胸

飄飄黃鵠舉庶免北山羅豈不耽高卧其如世局何老
成資練達允闕汰媿嬰會見權歸一時哉重斧柯
人生知己感雪涕相隨之久切譏讒懼休矜骨相奇炎
暄出談笑飢渴念瘡痍珍重臨歧意千秋足我師

再和筠仙中丞由粵假歸述懷留別原韻

嶺嶠年來喜罷兵

詔書昨日到江城伏波未恤遭時謗諸葛由來有大名
碧海狂瀾方滾滾高空皓月獨明明知公報國情猶
盛夜檢封章別玉檠

文章政事邁時流問俗還深世道憂作梗尙猜思教化
齋花蠻女解吟謳重來便是東人福一識真輕萬戶侯
毀譽何常公論在但將德意付傳郵

江漢沈霾萬里陰孤松巖際獨森森撫綏久攬清流轡
著作奚慙大雅林宦海風雲多變幻

盛時雨露獨高深
東山仍盼斯人出
莫負蒼生待泊心
故園東望豈無家
浪跡頻年粵海涯
送別帽攀張緒柳
閉門思種邵平瓜
久將飲水明臣節
未許浮湘託使槎
一瓣心香聊與蕪
洞庭秋雨夢蒼葭

附錄原作

湘陰

郭嵩燾

琛甫

浩劫東南未息兵
遭時我亦忝專城
知民疾苦真慙位
與世乖違敢近名
掃葉文書勤拂拭
斷齏心事劇分明
三年尺寸曾何補
孤負深宵對短檠

世事江河日夜流
古人先我有深憂
輸珍西海猶唐典
鼓棹南宮但越謳
犀首直須無事飲
鳶肩豈

信有功侯六條行部吾安放虛擁旌旄學督郵
積雨翻成曠曠陰刺桐拂檻影蕭森粵臺瀕洞龍
蛇窟虞苑銷沈草木林無縱詭隨民病亟是何濡
滯 主恩深誰言肺腑戈矛起慙愧生平取友心
衰遲聞道未名家生世波瀾豈有涯新漲光陰過
小麥故山夢寐見秋瓜人才邱壑違塵軌歸計滄
江理釣槎滿眼瘡痕心未展更餘情思寄蒹葭

王少鶴

極

通政惠讀龍壁山房大集作此奉呈

樞垣十載上封章文采風流照朔方大麓風雷匡

聖主中臺聞望禮諸王談兵戎幕情豪宕縱筆蠻荒氣

激昂忍向名山矜著作劇憐人事日蒼茫

司徒伯棻

緒

都轉招同馬雲湖

儀清

齊仲炎

世熙

王雨

菴三觀察飲寶華坊寓宅賦謝二十四韻

宣廟戊戌前兩小棲京師我時寓君宅聞聲輒相思我
旋去邕桂君亦西南馳十年宦間嶠欣見身節持我時
佐藩幕相見顏色怡遂爲消寒約雙榼各一鴟自茲跡
更親朝夕占朶頤念君悲失怙麻衣入西陲我方問君
鄉兵事一再治

主恩固浩蕩所怪運數奇去歲向端州萍根苦阻羈今
來復握手吞聲轉無詞堂堂開盛筵大嚼不敢辭座中

滿嘉客燦列鼎與彝傾懷玉堂彥

謂雲湖

儘足揚鬚眉一

官向江左慨然念瘡痍齊侯濟世才

謂仲炎

盡勞綜度支

權酌太平關軍儲實賴茲王君我所主

謂兩菴

藉之恒不

飢場因蠻觸爭頗費圖以維

指土客事

故人不見再會安

可期今宵須盡歡來日天一涯暮雲何昏昏初月亦遲

遲驪歌促江滸晨星感分離

珠江曉發

萬古沈珠彩侵晨霧氣涼棹聲搖曉月江水去何方卯

酒頻增筇辰章不滿囊自憐爲客慣那欲避星霜

恢垣以鳳仙花見貽作此奉謝

小園新闢三畝強芭蕉綠逗瓜蔓長老榕幕空足秋蔭
碧窗雨過無芬芳凌晨敲門送花至黑甜鄉裏喜欲狂
披衣急起細品玩烟莖露朶紛相當九苞春霞逞顏色
紫團緋繞紅雲妝直疑宋宮好女兒乘鸞爲我來翱翔
昂昂驤首作意態菊婢羽客休譬方待貽佳人染指甲
落花流水彈瀟湘作詩奉報且相約欣賞早晚傾壺觴
恢垣又以花史五月鳳仙主水之說疊韻見寄再和一

首

李子作詩如挽強十鈞在手神與長胡爲雕鏤及草木
多識豈欲先庭芳旁搜曲從到花史謂花放早興瀾狂

天生植物偶然耳橫潦立應非敢當說家遲臆匪所取

但願助我秋籬妝小桃

紅鳳仙名

開碧窗靜時有好鳥來

窺翔由來珍珠且稱早

早珍珠亦鳳仙名

此說辯足窮東方更

留隙地種蘭竹

峽垣勸余多種蘭竹

待致二子來聞湘眼前生意

亦差快詩成向花浮一觴

王彭年

綬

別駕有詩見貽奉詔四首

三年萍梗泛蠻煙喜見新詩慰酒邊大阮交期非飲食

謂雨巷都轉

諸郎翰墨有因緣關心菽水難爲養回首風濤

絕可憐爲答慈親酬苦節敢勞斷織勵揚傳

冠歲成名亦豈遲文章得失寸心知簿書佐理三千牘

鉛槧能勤十二時
新種竹多成茂蔭
日焚香坐下重帷
箇中大有觀書樂
霖雨他年待潤滋

西鳥東兔去誰償
殖學休教誚面牆
世變萬千君閱慣
年華四十我稱強
無才敢怨珠遺網
有志終看穎脫囊
努力修名千載事
縱云髮短尙心長

與君一載同尊酒
瞬見征帆指蜀州
劍閣風雲看唾手
端江歲月數從頭
寄書要識天涯近
結友應須物外求
料得秋來吟興好
歧亭韻疊未應休

恢垣招食魚生走筆賦謝

先生偵我回鈴峽
折柬相招慰勞乏
到門先覺口流涎

入座尤生心喜押玉杵二尺置當中飽飮珍蔬分兩脅
主人自言俗肴耳而我校人有刀法碧瓷盛出堆雪花
肥美何曾遜羊腍鳴薑點醬各有職葱屑椒鹽互抓搯
調和眾味序先後十手交橫犀箸插初嘗細嚼覓滋味
大嚼居然恣饞呷酸鹹甘苦妙莫辯此品真稱天下甲
紛譁議論鄰舍聞林鳥驚飛花犬怯更呼白墮作牛飲
一斗澆腸暑先壓既醉更宜魚子粥無厭請益神仙鴨
紀實也座客粗豪忘禮數那問冠紳與韎韐酒龍詩虎未
敢降此聚偏能盡歡洽醺然一笑始出門挈手歸途免
顛踰風窗酒醒詩亦成急潑松煙寫蕉箑

附錄和作

謝山鮐膾推端峽

全謝山盛推鮐膾云粵鮐不如吳而作膾則粵所獨

夏非

其時物猶乏秋風一雨萊菔長鯪魚作生尤可憚
鸞青縷白各杵盞環繞中盤作肩膾不厭細聖
所訓排比後先仍有法取魚刺血先斷頰血盡銀
刀始開胛盤中勻芥和薑醋亂絲如堆紛指指菽
麻豆屑香脆備雪片花肌中一插此時拈箸各起
舞呼酒不來思醋呷既殊烹鯉苦患鯁忽觸持螯
愁剔甲枯腸得酒生角芒老饕正饒詎容怯再接
再厲當進粥一熱烘教眾寒壓晚飯訂盤亦貴飫

何至蒸壺儼蒸鵬斯會羣聚合文武肝膽均能金
石韜曼卿囚飲自足快下視紅裙鄙猥洽君詩探
驪爪已棄我追如鼈足屢踏小兩作寒倘再期差
勝炎蒸汗揮筆

鶴嘆用蘇韻

端州署中多鶴

披雲樓前鶴夜呼千聲萬聲城北隅如支更籌來警子
凌霄不去胡爲乎一年端州怨羈孤仙禽自異凡鳥軀
霜毛玉羽三尺餘焉肯爲人耳目娛高軒峩峩匪所須
孤山明月無時無湖雲一碧隨飛趨爲樂今日當何如
聞家錫三

天齡

太史督學山右作此代柬

涼風吹桂枝白日下晴岫慨然念故人遙遙溯華胄昔
時南社讌數子共聲臭談詩永良夕賦奕破清晝與君
別五年所造判肩脰初聞住東觀羣書苦研究堂堂萬
言策時艱賴匡救才名益人海日侍承華漏銅樓求輔
弼清選膺俊茂儲端寄調護諸王資教授皇華一朝詠
千里厯烽埃汾河當君前王屋出君後登高眺太原新
詩滿懷袖此邦民俗樸亦豈乏英秀般輪屬宗匠寒畯
忻造就採風歷轡軒才彥或時邁鯁生困塵坩每出遭
世詆從戎逼十載日事尋格鬪東南百餘城八九傷踐
蹂敢矜黃憲功屢屢却邊冠憫茲蒼黎困安能起瘡痍

倉黃感人事轉笑所志謬匪才恥干謁欲騁戒馳驟年
來息端水聞見益謏陋酒腸拓更寬吟肩聳逾瘦生平
縞紵交誰與肝腑鏤惠書到嶺外感君意良厚人生百
歲內豈同金石壽及時務作用所慕非衮繡要期不朽
業大名垂宇宙遙知下車處奎躔輝列宿俯仰瞻太行
巍巍落天右

蠅虎

有序

壁上見兩蠅虎鬪逾時不輟繼而數蠅虎至意各有
所袒漸成不解之勢林子爲驅散之感而賦此錄視
恢垣並寄呈子箴方伯

七月晦日雨空齋晚生寒林子面壁吟憂來忽無端瞥
見兩蠅虎逶迤下雕鏝漸近始相遘意趣猶盤桓適來
一蒼蠅並起思搏餐追奔西復東蠅飛虎不歡一虎小
而黠跳騰神頗完一虎大而驚蹲蹲圖作難二虎不相
下耽視矢一拌須臾數虎至各袒如相干前揚奮其喙
後卻衛其髓忽分列若伍旋合糾成團譬如逢勁敵兩
兩分旗壇東虎厲爪牙其軍作三單西虎勢稍衰鬪心
仍未闌十盪復十決求勝忘疲殫昔年舞涼州此調今
再彈旁觀意爲沮慨然動咨嘆勸虎勿再鬪再鬪推心
肝汝虎本同類胡爲恣戕殘得食固有天亟當罷矛竿

舉手爲一麾遂使蠻觸安因思征戰會要兼猛與寬稍
一失其平旋看起波瀾萬事固一致請從壁上觀

七夕寄廉叔舍弟浙中

銀漢無聲澹欲流今年七夕在端州瓜瓞粟椀家家供
水榭風船處處謳乞巧最關兒女事思君獨抱雨風憂
嶺遊重讀東坡句四海於今一子由

四十學言七首

翳余降生歲丁亥回數生平百千臯蓼莪一慟養無期
壯志銷磨雙鬢改生才何益窮亦得晞髮天風吼真宰
吁嗟乎一歌登歌始興仰首上睇天爲青

出門行行十萬里南問滄溟北邊鄙少年意氣重結交
一語相投爲君死讀書無成喜毫翰性命尤能共山水
吁嗟乎二歌兮歌欲縱天涯到處垂清夢

有妻有妻生善病箕帚親承見情性自余旣壯事從戎
雲鬢何曾向奩鏡前歲軍中得凶耗海上羈遲不能殯
吁嗟乎三歌兮歌轉哀故園何日歸去來

有女有女二十餘母死近傍叔母居有家遙遙歸不得
三載賊裏幾無夫增揚松年
爲賊所擄去年乍幸脫虎口竟體未

有完肌膚吁嗟乎四歌兮歌正放宵宵明月愁天上

有兒有兒十八強書來近已如父長幼時病弱今少健

久客家學母乃荒埋頭鄉井寡聞見繼美來日應非望
吁嗟乎五歌兮歌未希秋風颯颯吹征衣

有鳥有鳥白鶴儔朝來鍛羽端溪頭羚羊峽高水清瀾
渴飲聊足銷煩憂我欲騎之上揚州關山萬里路阻修
吁嗟乎六歌兮歌欲歇銅絃一聲萬竹裂

人生七十四已過半胡事勞勞受羈絆桑田滄海只
須與南山白石有時爛道旁徵逐者誰子何若芒屨遊
汗漫吁嗟乎七歌兮歌已央百年此去方堂堂

王曼仙

夢華

女士遺墨山水畫稿爲王桂川題二首

畫筆真能篆隸兼金鸞鶴嘴剩殘縑叔明家學維摩派

絕藝居然出鏡奩

豈是前身吳綵鸞寫殘官韻又研丹從來仙籍多才女
風露瓊霄不怨寒

四十初度寄韶宇家兄

弟今四十兄五十八口之家自洪給兄方有子子抱孫
弟愧孤兒未成立風前濁酒賜一壺人事蒼茫那須急
丹山鳳凰發長叫且向端州毛羽戢元龍有氣氣尙豪
安得西江入長吸仰頭睇視青天高短笛鄰家助嗚咽
吁嗟乎人生歡聚匪易得幸畀新詩壯行色

寄廉叔舍弟杭州

太息浮生正浮輪君十載棲杭州年來東行意差快
談笑眼底無滄洲鬪詩錄觥得兩婢客裏聊足消煩憂
念君妻孥不相見我夢一再偕君遊西湖百里踏殆遍
明月正挂孤山頭中元節近重秋祭拜掃莫冷千松楸
吁嗟乎何年宦成約歸休緝苜應在城南陬

以子規藤杖壽恢垣用東坡以黃子木拄杖爲子由生
日之壽韻奉柬

鳩杖製漢庭授自七十始先生筋力健用之或爲耻蛇
涎子規藤三尺滿瘡痕得從峽山僧聊以壽君子吟詩
費擇拄扶醉憑徙倚區區持贈心珍重乃如此貴非青

玉案穩過烏皮几萬物不適用安事北山杞

東坡詩注
枸杞一名

仙人
杖

同恢垣城西觀劇晚就舟中飲

江風蕩蕩吹帆腹飽卧蓬窗少拘束笳鼓城西正賽神
千秋龍媪思遐躅血食年來廟貌新進香士女密如雲
沿沙褰屨然鐙夕達旦笙歌浴月晨咿啞江千萬柔艣
羅綺聯羣揮不去金錢亂擲如泥沙主客紛邀話煙雨
當前且自矜豪癡到眼霓裳羽衣舞匆匆人代闕興亡
落落襟懷傾臟腑是時無酒亦得李子泥余浮太白
與君異鄉同作客豈必相逢書相識古今幻夢幾蕉隍

况是衣冠劇孟場歸途早趁三更月捉臂當筵罄此觴
中秋夜

廿年嘗慣秋滋味今夕端州又仲秋銀漢沈沈仙鵲迴
金尊兀兀酒龍遁頭顱強甚知非福骨相清多料不俟
俯首風塵餘俠氣劍邊肝膽向誰酬

恢垣以中秋夜攜兒姪輩登挾天閣詩見示次韻

登樓永夕舒長眺雨處清輝共一天心鏡常激堪對月
睂觴預祝合增川

君生日已近

放懷客裏黃鸝熟生豔君家

玉兔圓何日向平婚嫁畢要攜五嶽置尊前

月蝕

同治丙寅秋八月十六日欽天監上書是夕當月蝕十
六分有奇計杪終廿七回光時在子初虧蓋始戌金波
浩穆穆輪滿彩華溢風停雲翳淨漸缺如線一姮娥走
徬徨老兔抱疾疾萬年誇搗藥至此服何益新桂慘不
靈吳剛嗟敗律昏昏百鍊鏡今夕黯無色小兒白玉盤
落手驚喪失從來天下明乃受詹諸厄煤炁渾一搭見盧
全詩遂掩宵曜畢眼看蝕殆盡籲救豈無術宮中首喧析
鉦鼓萬方壹長安士女盛持鑑向空擊待轉槌餘圓欲
圓既碎璧已死乃又商夜光爾何德南樓興不淺相與
浮太白如斯證吾道次第行卜吉亘古幾春秋作詩當

載筆

附錄和作

光廷

同治五年秋八月月十六日月輪缺司厯奏言食
始戌直至于初圓始畢嶺南遠在天一隅盈朧起
滅曾無殊鳴鉦擊鼓走士女官人夙戒羣吏趨初
訝桂邊微見瘳漸若鉛刀割胡餅蝦蟇一吸蟾暈
昏大地山河全失影煤炰飛起天如墨焰發紅擎
血盆赤素娥塗炭已可憐玉兔焦頭誰復惜徐徐
翳盡哉生光玉白洗清還搗霜漸覺兒童添笑語
依然風露同淒涼我聞上天有兩目目睛宜清不

宜濁五行一志警陰邪權奸宦妾垂前覆方今

兩宮權國柄率土同遵一人令光明遍照玉鏡

懸櫬槍掃盡金甌淨已見共投同竄詎有耦聚
行惑祭乃知陰教助陽施未藉天心開

主聖况當歷法西人來分秒時刻均可推地圓阻
隔日光絕太陰失焰成灰始豈識

聖衷虔不懈遇灾省躬先有誠太常寺內百官忙
想見宮中方做戒盧仝作詩詩不經我爲作歌歌
聖明朝來喜見月光滿一掃蒼雲煙霧清

藤鼓詩二十韻追和阮文達公韻

怪蛟鍊精氣化作百丈藤蜿蜒赴峽浴掉尾如環絙幻
蹤獨詭秘晝伏夜則興渡賊巨長虹咄咄驚水丞亟走
報軍府刀鋸宜用懲是爲作鼓材稍縱不可繩斷截蒙
夔皮掀掀聲故整劍中腹膨腫數人持不勝相傳明中
葉督師親見曾指王時方亂猺峒烽火嗟頻仍厥後徒

文成

端州譙樓置高層嶺蠻走且僵城狐窺亦憎當年住峽
氓數數遭憑陵偉哉文達公能以健筆凌鴻篇厲霜鏗
卓識明秋鐙更聞數鼓在所見今不恆代遠物轉異魑
魅辟可能他年過潯南故實當一徵城西尙用兵安得
挾以登一鼓作軍氣凱歌慶清澄

落葉

中庭一葉下，振觸感前塵。攬此紛繁勢，逾驚羈旅身。涼飈伊爾競，皓月定何因。卻憶瀟湘外，幽蘭獨可紉。

聞許九霞大令凶耗詩以哭之

憶從廣州來，艤舟問巖邑。側聞許子賢，造門一長揖。主人喜客至，謂脫冠蓋習。相邀入名園，茅茨手親葺。呼僮具殽榼，園藪紛採蕝。舉觴免遜讓，相對作鯨吸。譚詩刻樺燭，未許片語襲。自言宦湖湘，三月駒受繫。言尋栗里軌，遂具東坡笠。遊巖脚力健，升高不問級。秋江出畫冊，入覽羣勝集。生平快遊處，爲我遍談及。高詞倒流峽，霏

言冽清汲譙樓漏三下欲去馬足髑感君情意好奈報
羽書急南雄古要隘近說烽火入詰朝赴從事錄別手
屢執音容昨日事豈識歲月集端州得凶耗方食忽噴
粒劇疑信未真痛深轉無泣作詩招君魂哀思翻墨汁
燈昏月色黯悲風盪裙褶砌蛩最有情爲我助嗚咽夢
中倘相見倚枕一延立

寄呂小滄

廣治

巖尹韶州

別來三易暑寒頻夢裏相逢意倍親一載端江憐索寞
千尋韶石望嶙峋詩成瘴席銷豈管釣罷英雄起渭濱
我已年來驚四十青衫猶自滿征塵

壯懷堂三集 嶺海詩存卷六

端居集三 丙寅

秋霖五十韻

入秋氣已淒 霖霖矧猶絡 重霾蔽以鬱 秋土慘不樂 驚
霆走砰訇 疾電掣爍爍 誰縱陰蜺狂 出與黑蜮搏 高屋
倒建瓴 千門盡肩鑰 翻河迅奔注 沈山失窄嶮 須臾狹
地肺咫尺抉 天膜屏翳旣 云橫蜚廉更爲虐 塵空下跋
扈排闥 入颯霏如軍 紛截擊疑盜 訶剽掠 轟疑長 洪摧
瞥見壞壁削 嶄嵒紛墮子 瘦菊亦不萼 堂前走怪 黽林

際愁靈鵲昨逢鄉人至纔說米價落茲觀勢滂沱復恐
值騰躍朝聞津吏報暮懼洪水作回思五月漲猶似寸
心烙登城記眺望撫景屢錯愕漆雲愁鷓鴣通衢泳鱸
絡畫鷁亂紛拏毒龍恣貪攫白晝駭昏黝對面勞捉摸
蹲蹲舞靈螭慄慄憂海若連阡付汨沒比室任漂泊端
民亦何辜稔歲轉不穫天心憫禾黍農力息錢鋪災黎
就沙宿破竈因樹託妻孥話危簷鷄狗上高閣得魚偶
緣木取薪競聯笮大澤遍鴻嗷幾家免猿猻雖言鐵圍
鞏敢敵沙颶惡脫教寸土裂能使萬夫縛譬如淵出鮫
奚異海騰鱗性命奪九死梟虛爭一博燈火絕宵眠楮

局聚鄉約朱門快娛讌金疊暢諧謔蒼蠅塞道路白骨
滿邱壑安能起賢牧關懷念民瘼罅思補天漏忿爲別
雨腳迅呼羲叔馭請奪陽侯爵永藏古鏡鼻兼束新月
額巨浸歸滄溟居民復耕鑿余生幸脫險病餘仍患弱
拙愧鳩營巢危憂燕處幕廢牀踞妨傾徹屐步嫌躓中
秋近瞬息好景慮拋卻慨然思里閭何以慰寂寞披衣
起顛倒舉酒獨斟酌餓鳴叫壤堞狂犬吠寒柝吟肩方
瘦聳枯腸費搜索詩成雨復急鄰鷄正臍膊

重陽前二日恢垣見過約爲柯山寺之遊因憶去年今
日至端忽忽一載矣秋風易老故我依然人事蒼茫

感而作此卽以奉柬

去年今日來端州今年仍臥端江頭端江之水清且瀾
中含浩渺詩人愁矧聞商聲起飈拉落葉紛滿柯山陬
哀鴻嗷嗷叫天末星征霜宿將何求男兒四十近遲暮
挾策安用干王侯栖皇道路亦奚補天心試我艱難周
山妻云徂瞬三載家書近報營山邱向平婚嫁了何日
懶散兒女非能謀多情李子識我苦爲具壺榼拏扁舟
龍華寺前作重九落帽倘繼龍山遊生平頗解山水趣
興到時一凌滄洲一年羶峽五來往滔滔歲月奔如牛
閒雲無心亦出岫我生毋乃爲萍浮李子慨然發長謳

捉臂勸我無煩憂古來萬事有明日對景且自揮千甌

九日蘇平甫

廷鈞

學博招同李恢垣吏部陳扶初旦陳

麟生

榮桂

二茂才泛舟遊柯山龍華寺卽席賦謝兼

視同遊諸子

萬峯迴抱夕陽間水檻風船一往還地向西江開盛派

人如九老會香山投林野鷺撥歸思入饌江魚豁醉顏

時得嘉魚一
鱖龍魚二

今夕次公能好客諸君好句未應慳

舟中贈扶初

太邱今長者相見亦何心風雅東南萃山林歲月深龍

山秋浩杳爨峽晚蕭森且喜尊前客天教聚盞簪

入巖山寺視恢垣

拏舟訪柯山先言扣名剎層階高可梯或妨石路滑同行誇腳力猶數李子脩平臺舒遠矚木脫眾林鬻風停萬籟寂時一響殘蜚愛登東江亭陡覺塵目刮巖當牖出參伍竒拔壞檐飛蝙蝠宿莽棲帕帙齋廚冷不火久閣暮鍾夏誰與布金錢梵宮待修刷

和恢垣泛舟游柯山龍華寺次韻兼寄何橋生

北京

驚飈倒捲秋濤怒吹散西江萬風雨扁舟相約會重陽真率安須問盟主孤壇兀立臨江開大江流水何遑涸柯峯仙人遠招手似欲導我雲中來龍華會上曾相識

三千年來此岑寂得失休爭一局棋因緣待證三生石
側身西望烟樹蒼王母瑤池勸舉觴逍遙之樂樂何極
日月特向壺中長溯從紫府陪清讌蒼狗白雲屢遷變
桂源咫尺今再探尋幽省識廬山面蕭疏竹栢綠四圍
空崖雨過藥苗肥樵柯爛處無人問今古塵寰幾奕棋
吾生本是山水客到處清遊著行跡卅年踏遍輭紅塵
未必天教老巖壑園經仲蔚闢藜蒿入耳還聞萬籟號
秋深草木驚搖落回首空悲汗馬勞風流代謝傷人事
亭館荒頽謀補置秋聲柝下放高歌沙鳥風檣歸覩記
無邊暮靄合蒼涼擊節滄浪趁晚航茲遊奚讓龍山會

羞勝看花入洛陽

和樗生養雲園絕句十二首

園在柯山龍華寺爲端州都人士觴詠之所

朋翰堂

端州風雅地高處著詩壇余亦狂吟客相逢愧弱翰

陸舫

卽吉祥亭

孤亭聳巍然上署吉祥字風篁拂檻喧疑擊竹如意

翠巢

一壑聚寒綠林陰竹有苞四時不改色合與鳳凰巢

江山風月榭

江山佳絕處風月屬詩人共此三椽屋何須問主賓

風篁瀨

風聲激水聲
聲聲出巖竹
呼僮就煎茶
滌盡十年俗

暖墨池

無事呵春凍
晴曦暎石渠
臨池朝試墨
新獲右軍書

石丈

靈骨瘦嶙峋
天公弄狡獪
蘊蘊丈人峯
欲下襄陽拜

盟鷗臺

平臺俯江岸
坐見萬里流
無心自雲水
日日來羣鷗

煙蘿徑

幽徑闌煙蘿
勝遊結吟侶
有時風雨來
疑聞山鬼語

花塚

博得花心死春洲豔體工埋香今有地不與怨東風

眠琴石

抱石宜高卧時還坐綠陰子期今不見何處覓知音

秋聲杵

欲攬全江勝持尊坐石杵閒階紛落葉葉葉作秋聲

贈陳麟生

榮桂

茂才

陳子數相見因君懷抱開雨殘涼院話春盡客筵杯馬
帳傳經術龍門屬史才乘時宏樹立閭里莫徘徊

題王師亭

濟

暨賢媛曼仙

夢華

遺墨山水畫冊爲桂川

作

古今幾人畫山水前有摩詰後叔明麓臺石谷最晚出
繪事獨數君家精師亭學畫得祖法腕底時有雲嵐生
試觀此冊已超絕氣勢巖巖神崢嶸浮丹駐綠幻奇采
剜刻造化無遺形十年侯門老賓客躡履到處爭逢迎
玉樓近亦重文墨迅奪豈震先生名閨中賢媛擅敏慧
能事幾邁父與兄獨憐幽蘭隕朝露仙籍平步追飛瓊
曇花一現偶然耳遺墨持出儔人驚後先輝映見家學
寶之不異千璣璫我生酷嗜山水樂近亦學畫師關荆
桂川知我嬖此畫檢置書案留題評晴窗展玩足十日

令我魂夢交馳縈有才無命古所歎但擅一藝亦已榮
合觀兩冊各臻妙不龜手藥應同傾夜窗兀對急風雨
秋葉颯颯孤燈青

再題師亭蟲魚畫冊二首

春蠶秋蝶意纏綿翠蛭青龜亦可憐小鳥何心花下宿
被人喚作海棠顛

碎光小冊衍波箋設色能兼六癘全十幅蟲魚生意滿
此才端合嗣黃筌

恢垣招同徐曉春

良梅

太守余鏡波

恩蝶

司馬葉敦甫

慶榮

上舍陸爵卿

朝安

琴戎飲倬倫上人梅菴卽席

作

古剎開精舍名泉冽不波

泉水爲端州第一

僧今逢佛印客半

類東坡晴日舒千隴閒雲懶一窩自言生曠達其奈酒

杯何

飲梅菴歸恢垣又有詩至次韻

江城昨喜晴故人召吟侶西郊覓古寺東道具遊簞平
疇浩秋色薄日杳殘暑霜楓訝堆火風葉愕飛雨停鞭
駐危磴尋鐘叩紺宇老僧出延客羣賓入整伍精寮遠
塵囂清福屬山主登筵環踞箕入座各停塵巨觥旣在
手雄談遂傾腑緬懷南皮宴會澆趙州土分題首戒俗

醉畫欲無古

是日爲倬公作
梅轉丐一犬

乳犬亦有情歸鞍帶穩處

老坡興尙豪商聲颯環堵

畫梅贈倬倫上人並繫一絕

高僧清似鶴秋士瘦於梅留作一枝贈他年還再來

讀蘇廡堂

延魁

河帥守柔齋詩集書後卽用集中題黎

簡山人詩韻寄呈

新詩萬口久爭傳俗眼難窺管裏天落筆不矜唐以上
觀時獨得氣之先山川龍節輝東魯丰采鸞臺思昔年
此日河清資禹佐穿渠不費水衡錢

子箴方伯以求仙詩七疊風韻二字韻見寄仍疊前韻

奉和

攬轡忽不憚冷然思御風駕言奮蒼虬勢將盪滂濛望
見中天台岌巖紫雲東曼卿爾何修乃主芙蓉宮巡溪
起陵陽玉局思文忠相從碧落遊如乘破浪艦行行紫
薇垣丹庭禮殊宗日月出我旁澡雪天地融伊誰可造
化構此景象雄塗逢古偃佺晞髮頭如蓬不知幾春秋
鍊此奕奕瞳

頻年逐塵壒漸視名利鄙訣欲授長生方先求不死接
施養真氣嘘吸通無始漫言換凡骨要與滌心滓道陵
仗劍玉浮邱拍肩起初傳正一教載示明威旨元真啟

妙悟昨非覺今是但期學辟穀毋勞親俎匕點金術亦
竒不借純陽指

送恢垣旋里

一載幸相聚明朝不可留各因兒女累同抱歲時憂暮
歲思良侶江城愴獨遊春風楊柳外早晚盼來舟

聞莊小潭

爲瑤

觀察歿於韶州

歿前一夕自云前身爲南華寺管梅侍者扶病

入寺誦之寺僧塑像中
有此法號歸寓遂卒

戰罷歸來約弟昆交情猶似古人敦觀風南國新持節
話雨東園舊握樽龍象壇邊生悟道鵲鴿原上慟招魂
管梅侍者前身是千古莊嚴法像尊

泊鬼基

斷岸沿沙沒平隄累石成笙歌清夜迴燈火大樓明林
月傳秋色江流作恨聲昔年珠翠地懷惻若爲情

同李義門泛舟花埭有感

酒霧歌塵靖夕氛嘯鸞嬉鳳不重聞秋風病起雙鬟女
打槳江頭破鴨羣

偕義門游伍氏園林

相逢李北海能說故豪宗翡翠當年檻珊瑚舊日筇高
林紛落葉壤砌亂吟蛩門外寒流急猶聞徹夜淙

年來念人事衰謝感秋風漫怨馮唐老空憐鄧尉雄烟

林酣萬綠霜
英悴孤紅泥
飲勞園叟登盤富
晚崧

送楊石松

元華

大令之官海陽

問俗先從大海濱
龍驤世業裕
經綸鱷魚自古頑
難化
鴻鵠於今志可伸
相士真堪託
生死論才亦早貫
天人
板輿有願忻
能慰我獨無由
更奉親

華少京

定祁

太守丈以大集屬爲編訂奉題二首

一麾出守嶺雲東
飲水猶嗟宦况同
韶惠清名循吏傳
雷陳交誼古人風
入山豈必耽高卧
有道由來守固窮
我亦年來倦行役
擬從瘴海逐歸鴻

廿年郎署有聲聞
太息東南滿戰氛
乞郡願從滄海使

從戎會佐水犀軍一篇高詠源蘇陸萬卷奇書破典墳
出處何關榮辱事丹忱永矢奉仁君

少京太守丈出其鄉人家子壽其年農部存悔齋遺藁

屬題走筆賦此農部癸丑進士甲子九月十四日殉漳州之難

墨雲壓城叫鶴鴟十萬紅巾勢奔突一門忠孝出吾宗
肯惜餘生草間活武平農部天人才少年氣蓋黃金臺
吟成秋柳阮亭匹餘子碌碌空凡材人海歸來歲甲子
三尺妖星下漳水孤城一失不可援罵賊甘爲君父死
前年烽火照鄉園老父先已歸忠魂靈樁摧霜烏夜語
天道若此將安論少京先生古遺直衷出遺詩珍拱璧

蘭茗翡翠曾不如滿紙模糊血凝碧秋燈慘淡存悔齋
靈風黯黯生陰霾終篇痛讀絕命作竟以天地爲心懷
前石齋後子壽姓字遙遙輝宇宙父書能讀起孫曾廟
食常應馨俎豆我題君詩意興揚鄙辭那足闡幽光聊
將低首宣城意默燕南豐一瓣香

江上

聞得前舟說戒途天涯細雨客尊孤江湖鴻雁知多少
猶見江漁稅晚租

佛山

由來門戶地財賦祇今繁喚客江漁鬧籌緡廠吏尊千

檣集沙口久客辨潮痕安得南風利長途身感恩

紫洞吏

西江老賈宵垂淚自詡生平善營利頻年貿易過關津
蹙額相逢紫洞吏吏來藉查洋貨名登舟意氣何飛騰
翻箱倒篋六七輩潛按明搜如飢鷹一巾失報先議罰
百金未容減毫髮棄之不可緩不能鐵索郎當待牽掣
是時呼天天不應三十五還議增私囊旣飽出門去
快槳數聲不知處烏乎是何異於豺與狼豺狼雖橫猶
可當從今莫言行路易行路愈多心愈悻君不見紫洞

吏

初一晚泊梅花村

往者萑苻藪行人說綠林沙沉江岸闊樹遠暮烟深
客諳風色清時減戒心梅花今不見惆悵一微吟

初二夜泊山塘口號

鷗邊烟水晚蒼蒼至日將臨易夕陽日暮北風吹岸急
扁舟今夜泊山塘

胥江驛

咫尺胥江驛江空水氣清繁星垂岸動野燒逐船生
巨鯉驚帆影孤鴻作塞聲短篷棲獨客伏莽漫縱橫

連日北風甚厲阻舟野岸夜不成寐慨然賦此

昔年江上送官旌，煮酒彈棋忘客情。
過眼雲烟如昨日，驚心笳角感浮生。
時清已淡封侯志，風厲翻疑出塞行。
竟夕微吟不成寐，桃笙坐擁到天明。

三至飛來寺有感

憶昔還軍歲甲子，手挈姬人一遊此。
瘦筇買得杜鵑藤，煮茶親吸雲臺水。
淙碧亭前坐秋暝，題詩欲繼東坡軌。
漁洋松寥_亭各寂寞，疥壁紛紛憫諸子。
碧猿叫跳山靈愁，青山何處埋煩憂。
持杯笑揖白鷗起，門外瀟灑萬古流。

舟行

四十男兒興不孤，羞將壯志說桑弧。
西風一棹隨鴻雁，時恩州客衆分置韶連斜日萬山啼鷓鴣。
薄宦心情真嚼蠟，遠行僮僕共提壺。
峽江千里奔如箭，酌酒還來弔二禺。

滇陽峽

江行四五日，觀此蕭森境。
削壁上夾天，石氣襲衣領。
亂山何屈蟠，絕壑倒孤影。
松篁翠以鬱，中露雲路永。
一僧荷樵歸，汲泉縱修綆。
舍舟造幽處，頓覺萬息屏。
飛鳥時一啼，去帆遠逾靜。
江流無已時，迅若萬馬騁。
我舟偶觸沙，窘若咽受鯁。

英德喜晤關星吾

持緯

司馬

山勢嶮巖裹孤城得此州
萑苻銷大澤膏秣困傳郵爲
問坡公蹟思從米老游
賢侯自清儉猶爲具匙甌

石南州

柱

孝廉邀遊南山讀宋元人碑刻遂登絕頂用

昌黎山石韻奉柬

滇陽舊蹟今已微
亭樹滅沒秋葉飛
南山之石且齒齒
小者瘦醜大者肥
宋元以來數碑刻
蘇米題字猶依稀
南州嗜古入骨髓
樂此竟可忘朝飢
剔苔邀我辨年代
信步直造仙人扉
隸書飽讀棧路記
裏底時有烟嵐霏
遂攀危崖陟絕巘
長嘯欲裂層雲圍
吾曹豪縱性所賦
天馬那受人間鞿
山靈驚起走相弄
疾藜刺手藤鈎衣

急呼扁舟謀夜醉江路渺渺林鴉歸

遊聖壽寺書東坡題石後

東坡南去風流歇隱士難逢石器之我至英州更惆悵
蕭蕭落日讀殘碑

英石次東坡仇池石韻

一拳墮星精千載結寒綠天然狀難摹日對意靡足誰
將畸士骨擲出仙人腹二室列不如五丁劈還蹙貢自
南山靈奪向英州牧拂拭豈厭頻珍藏未敢瀆瑩如蕤
寶鐵重敵和氏玉邱壑具玲瓏坡陀紛起伏奇賞入閒
評幽居待來卜知音悲竄請作伴共追逐墨池脫野火

寶藏躍窮谷

二碑皆米元章書

遙知滄洗尉久飽仇石欲我今

置几席快若游劍曲或恐靈怪爭催取片帆速

尋衆樂亭舊址追懷方民先太守

方侯爲政地腸詠想當年溜乳仙人井澄源虎跑泉笙
鏞酣巨壑亭榭委寒煙山色饒空翠登高一惘然

楊石松大令山水畫幃爲關虎臣題

虎臣視我一幅生綃圖乃是吾友石松之所作蕭蕭晚
景似殘秋此老胸中滿邱壑江城十月嚴風多船頭美
酒愁生波南山巍巍在眼底寒翠亭名不見空嗟我我來
英州歲將暮旌旗坐擁思前度紛紛落葉下汀洲渺渺

孤帆出烟樹我今還君圖君更飲我酒當前怪石滿池
走古來萬事無何有幾見白雲變蒼狗仰首看天數星
斗此詩此畫皆不朽願君珍重享此帚

英州曉發

北風吹不歇朝雨復霏微高樹青禽哢遙沙白鷺飛江
清帆影實雲淺岫痕巍却羨漁家樂投竿踞釣磯

清遠舟中贈龍澍臣

恩湛

大令卽以奉別

龍君霖雨資清才麗若琬一官湘水濱養親志肫懇東
來促轉饒敢避風雪蹇英州一握手杯酒深繼繼共舟
五百里爲樂邁嵇阮峽山高以鬱雙龍赴蜿蜒天風吹

不住日暮達清遠
臨流日攬鏡青鬢
悵銷損胡爲喜行
役頻歲數往返幸
君慰寂寞清譚妙
諧婉感茲意氣盛
一爲貢忱悃吾儕
用世心豈必在華
袞幼學期壯行莅
民務根本相逢復
將別見君恨何晚
珍重慎前行蒲帆
祝安穩

由西南驛入端州夜過羚羊峽

巖颺激頽波逆流返
端郡西南日初落
競渡市聲紊窗
艙迫於斗懷氣不
得運觀書有餘慵
牀頭罄新醞斷檠
行復滅所喜月微
暈前途杳難辨計
程知峽近山高風
漸低槩打步偏斲
一逕入黑磴時間
崖竹韻或疑奇鬼

出否亦老蛟奮峯迴帆腹飽狂駛險傾僨依稀見古塔
城柝猶遠聞稍看朝旭吐豁然出塵坳艤舟舍登岸羈
愁釋予愠造室戶還扇鄰炊已騰爨

改長春仙館爲菊坡精舍子箴方伯再疊鳳仙花韻見
寄三疊前韻奉和

石林老人喜康強學仙謂可延壽長金錢百萬築精室
兼向海外求奇方大兒擁旄誇鎮靜豈意驟沸鯨波狂
驅羊萬里走異域漢節裏底何郎當遂令名山住鷹犬
獵火慘照仙人妝比聞西師急征戰廢幕漸有飢鳥翔
紺宮忽易菊坡字或冀文事修炎方文山大節古所重

難得闡述來湖湘拂簷老梅足春色雪釀莫放花前觴

初冬疊借友人會集於此

輓徐樹人

宗幹

中丞

公諡清惠

巋然當代魯靈光惠政人間五十霜夙願名山酬著作
新恩國史入循良島夷氣懾將軍樹海甸春深召伯棠
訃到天涯聞野哭牙琴回首一蒼涼

子箴方伯惠寄二知軒大稿奉呈三十二韻

當代盧

雅賓

曾

後

憐才第一人新詩紅杏句清望紫薇

臣皖水靈鍾秀陰陵篤降神玉霏談晉屑扇卻過江塵

仙掖文章貴金門意氣伸風期常嶽嶽著作自莘莘巨

眼冰壺證初心玉尺掄兵戈與瘴郡烽火警鄉閩能遏
鯨波沸都歸虎士振京華更臺省韶石出行巡筦權舒
金帑籌荒損俸緡和羹徵際會瞻國裕經綸瀆水流

甘蚤蠻天沛澤勻軍書亟旁午僚屬肅恭寅績重旬宣
任情深水火民隱憂虞伏莽力疾厲勞薪轉饑諸軍賴
乘時上治臻丹青期繪像蒼赤敢搖唇石鼎題名富歧
亭韻事新捧吟一品集愈仰九方歎投旨甘嘗衡醺心
醉飲醇飄搖嗟賤子慚愧邁羣倫樗櫟驚垂度芻蕘辱
下詢世途紛黑白吾道忍緇磷笑揖珠江權言尋硯峽
濱浪游淹汗漫瘦骨鬱嶙峋未決辭巢翼思呈報國

身羈遲羞食客酬唱結芳鄰

謂恢垣吏部

痼疾頻投藥迷途

許問津與公同拂拭益我賴陶甄薄海思平治

清時恥賤貧平生知己感江海浩無垠

歲暮寄恢垣

二年端水相依久一別從教酒盞疏骨月團圓深羨子

室家蕩析渺愁予客懷聊藉新詩拓兵火偏驚羽檄趨

時新與五坑客匪不靖

因憶杭州小兒女

兒子豫棻送長女雅端子歸武林

向平

婚嫁畢曾無